

國雅卷之一

長樂郡 振聲西 詩苑名

勾吳顧

起綸玄言

選

高侍郎

名啟字季迪號青丘生長洲人洪武間歷官戶部侍郎有在鳴集時稱高楊張徐四家

燕歌行

清商變節朱火違嚴霜塗庭卉木腓邊城早寒未授衣
念君遐征不能歸涼風時來動中闈躡蛸在戶熠燿飛
賤妾宵興歎無依簪珥不施減容輝欲寫憂思撫瑤徽
君今不在聽者稀啓明未出燈已微愛而不見徒歔歔

長門怨

憎寵一時心塵生舊屋金苔滋銷履迹花遠度鑿音暮

雀重門迥秋螢別殿陰君明猶不察妬極是情深

、 雨雪

雨雪暗桑乾深愁沒馬鞍臨關將月認覆積作沙看不
阻胡兒獵聊供漢使餐春風消不得三月戍袍寒

○ 王明君

都門塵拂春風面臨別看花淚如霰君王惆悵惜蛾眉
不似前時畫中見白髮呼韓感漢恩寧胡謾號闕支尊
氊裘肉食本異俗不如但嫁巫山村黃沙白雪無城闕
手冷鴟弦夜彈歇相隨萬里到穹廬只有長門舊時月
妾語還憑歸使傳妾身沒虜不須憐願君莫殺毛延壽

留畫商巖夢裏賢

、 行路難

君不見盤中鯉暫失風濤登俎几君不見枝上蜩纔出
糞壤凌雲霄推移變化詎可測勿謂明日同今朝出乘
高車入大馬半是當年徒步者范叔曾逃客溺餘衛青
亦在人笞下悠悠行路莫相欺爲雌爲雄未可知

逢雲巖僧元實將赴湖上

早懷塵外想每訪林間踪空齋哦夜雪共聽雲巖鐘西
澗已久別東城忽相逢還當衣袈裟去坐湖上峰喧寂
旣殊調無因復追從倚閣一遙送秋山紅樹重

薊門行

行行光祿塞望望單于臺天寒水草盡萬里孤軍來中
國多荒土窮邊何用開

堂上歌

堂上歌歌南山主人爲歡仰客顏翠帷夜卷出兩鬟移
尊更飲花樹間花樹間有明月客不醉歌不歇

隴頭水

人間何處無流水偏到隴頭愁入耳夜雜羌歌明月中
秋驚漢夢空山裏隴坂崎嶇九迴折聲隨到處長嗚咽
欲照愁顏畏水渾前軍曾洗金創血回頭千里是長安

征人淚枯流不乾

少年行

下直平明出禁門笑提博局伴王孫寶刀不敢輕輸却
明日沙場欲報恩

長安道

長樂鐘聲動平津樹色開中郎長戟衛丞相小車來新
成賜將第更築候神臺誰念公車客空懷作賦才

○ 猛虎行

陰風吹林烏鵲悲猛虎欲出人先知日光燿燿當路坐
將軍一見弧矢墮幾家插棘高作門未到日沒收猪豚

猛虎雖猛猶可喜橫行只在深山裏

野田行

白楊樹下誰家墳火燒野草碑無文路傍尚卧雙白馬
行人指是故將軍當時發卒開陰宅千車送葬城東陌
子孫今去野人來高處牧羊低種麥平生意氣安在哉
棘叢暮雨棠梨開百年富貴何足恃雍門之琴良可哀

虞美人曲

明月帳中泣悲風營外歌彷徨夜驚起何事楚人多迴
燈擁綠髻向劍蹙青蛾效命自無恨君王其柰何

大梁行

大梁四面平如砥西去咸陽一千里魏王此地昔爲都
宮闕中天碧雲起車聲鞦韆夜未休帶甲十萬名蒼頭
撞鐘列鼎宴上客奉金走幣連諸侯信陵真是賢公子
富貴不驕天下士已訪侯嬴到里門復迎朱亥經屠市
傾身折節世莫同緩急竟賴斯人功邯鄲秦軍一椎破
七國震動聞英風古城重過爲搔首幾度秋風落楊柳
沼上應無鴻鴈來苑中只有狐狸走立馬塵沙日欲昏
悲訶感慨向夷門豪華多少同銷歇獨有高名今尚存

春江行

春江南北疑無岸綠草綠波連不斷一女紅粧出浣紗

恰如鏡裏見桃花
袂衣猶冷過寒食
雲度春陰半江黑
浦口風多潮正深
輕舟搖蕩似人心
鷓鴣暮啼歸路遠
飛絮茫茫楚王苑

聞角吟

驚起黃榆塞下鴻
一聲鳴軋戍樓空
此時吹動關山意
十萬征人歸夢中
玉帳尋弓夜初起
月白不知霜似水
餘聲散作滿天愁
風吹不入單于壘

打麥詞

雉雛高飛夏風暖
行割黃雲隨手斷
踈莖短若牛尾垂
去冬無雪不相宜
場頭負歸日色白
穗落連枷聲拍拍
呼兒打曬當及晴
雨來怕有飛蛾生
卧驅烏雀非愛惜
明年好收從爾食

○憶遠曲

楊子津頭風色起
郎帆一開三百里
江橋水柵多酒鑪
女兒解歌山鷓鴣
武昌西上巴陵道
聞郎處處經過好
櫻桃熟時郎不歸
客中誰爲縫春衣
陌頭空問琵琶卜
欲歸不歸在郎足
郎心重利輕風波
在家日少行路多
妾今能使烏頭白
不能使郎休作客

賦得桃塢送別

何地芳菲滿
吳趨曲陌西
藏經非漢壘
種樹似秦溪
未

曙忽霞起過春猶雪迷葉聞渡江唱花憶映門題折時
或傍水遊處每成蹊偶來因送客腸斷有鶯啼

聞張著作值雨宿陳山人園因寄

芳月抱深惻佳遊闕追攀聞君獨命駕遠造幽人關春
園花絮稀啼鳥池上閒留連宿煙閣尊酌解離顏遙想
清夜徂鳴絃竹林間非因雨成滯興愜自忘還

宿幻住棲雲堂

窓白鳥聲曉殘鐘度溪水此時幽夢迴獨在空山裏松
巖留佛燈葉地響僧履余心方湛寂無使羣動起

送程校理遊江上

風亭裊離管草綠江水暮送此南浦人孤帆雨中渡別
觴足自緩前驛花滿路春叢戀山鷺晚絮迷汀鷺我今
獨愁居芳月誰與度佇立望遙波相思積烟霧

僧齋聞雨

寂寂初罷語悠悠未成眠高齋有春雨夜半落燈前已
傷花委樹復念水盈田老衲獨無聽繩床方坐禪

○獨酌

白日下遠川寒風振高柯蕭條掩關卧暮雀忽已過我
有羈旅愁鬱如抱沉痾起坐呼清尊獨飲還獨歌一斟
解物累再酌迴天和數觴竟復醺翻恨愁無多所以古

達士。但飲不顧它。回頭向婦笑。戚戚終如何。

○曉臥丁校書西軒

窓月澹欲失。矚矚逼初曙。屋外鳥聲多。應知有嘉樹。殘香掩幽寢。末事澄紛慮。頗似宿東巖。僧齋竹深處。

黑河秋雨引賦趙王孫家琵琶蓋其名也

胡天夜裂天垂泣。雲壓鴈低翻翅濕。髯王醉影抱寒驚。蘊殿嘈嘈箭鳴急。紅冰淚落哀燈下。倒卷河流入絃瀉。瘦駝臥磧歇鈴車。朴朔陰沙鬼行野。漢魂私語鬢風淒。都護營荒咽凍輦。蘭山木葉連愁起。散入塞門塵萬里。夢斷金蟾隔煙小。青塚埋聲秋不曉。

初入京寓天界西閣對辛夷花懷徐七記室

去年寺裏開辛夷。君來憶我曾題詩。今年我來君已去。思君還對花開時。欲尋花下君行迹。日暮空庭古苔碧。殷勤把酒問花枝。看過春風幾行客。

與客飲西園花下

一壺酒正滿。一樹花仍新。傾壺對花樹。日暮西園春。不愛枝上花。愛此花下人。相逢莫學花無賴。明日分飛隨路塵。

○吳中逢王才隨朝京使赴燕南歸

江南草長蝴蝶飛。白馬新自燕山歸。燕山歸。不堪說。易

水寒風薊門。雪朝邸空隨使者車。禁閣不受書生謁。一杯勸君歌莫哀。歸時應過黃金臺。不見荒基秋來土花紫。伯圖已歇昭王死。千載無人延國士。

○晚次西陵館

匹馬倦嘶風。蕭蕭逐轉蓬。地經兵亂後。歲盡客愁中。晚渡迴潮急。寒山舊驛空。可憐今夜月。相照宿江東。

早春侍 皇太子遊東苑池上呈青坊諸公

銅輦出紆徐。春宮晝講餘。戟煩郎將衛。簡授大夫書。草長園鳴鹿。冰開沼躍魚。從遊伴商皓。忝竊愧何如。

春日退直呈禁署諸公

待詔直東華。歸休每日斜。職連詞客苑。俸入酒胡家。簷網長縈絮。庭磚欲過花。知君未出院。應草侍中麻。

送曾主簿之平樂

路出桂江東。鄉音想未通。蛇飛山苦霧。鵬運海多風。木魅長欺客。花蠻少學農。縣廳何處在。桺葉晚陰中。

○送思上人

名林雖盡廢。南去只隨緣。野飯晨留鉢。城鐘夜到船。虎馴應畏法。鳥喚不驚禪。它日期相見。高峯舊塔前。

○客館秋懷

獨卧愁空館。墻陰野荳開。暑將潮氣斂。秋與竹聲來。身

八國雅卷一
道
賤多違志時清少棄材慙非張仲蔚門戶有蒿萊
喜了上人見過

幾時西澗別忽喜過家園澹泊林間供虛空世外言
花零晚架瓜蔓絡秋垣莫厭頻相顧衡門久息喧

○郊墅雜賦三首

幽事向誰誇孤吟對晚沙浣衣江動月繫艇岸垂花行
蟻如知路歸鳥自識家一尊茅屋底隨意答春華

入夜潮侵戶經秋雨壞垣里人淳少訟田父醉多言稻
蟹燈前聚莎蟲機下喧自應耽野趣不是戀鄉園

野色迴蒼蒼開門葉滿塘僧來雙屐雨漁卧一船霜靜

裏修香傳閒中錄酒方平生當世意到此坐成忘

京師秋興次謝太史韻

柳外秋風起御河京華客子意如何伎同北郭知應

濫俸比東方愧已多梁寺鐘來殘月落漢宮砧斷早鴻

過不材幸得同趨闕幾度珊珊候曉珂

送丕上人還四明育王寺

解夏還尋舊寺棲滿船黃葉過長溪袈裟影入秋山遠

舍利光懸夜塔低鶯識講時常繞聽猿知定後不驚啼

却慚擾擾塵中客覺路如今去尚迷

夜聞吳女誦經

高侍郎

雲窓月帳散花多閒讀金經夜若何嬌舌乍彈鶯學語
芳心已定井銷波尼師曾教青蓮偈女伴徒爲白苧歌
聽處若迷空色相應須愁殺病維摩

送隣僧淡雲歸笠澤

往來海上獨離群雅稱身名是澹雲經院葉深秋講散
香臺鳥下午齋分坐間山偈曾同說別後隣鐘不共聞
笠澤到時尋舊業菱池漠漠雨紛紛

○賦得寒山寺送別

楓橋西望碧山微寺對寒江獨掩扉船裏鐘催行客起
塔中燈照遠僧歸漁村寂寂孤烟近官路蕭蕭衆葉稀

須記姑蘇城外酒烏啼時候與君違

聞朱將軍戰歿

江浦戈船赤幟稀孤軍落日陷重圍鏡中蛇墮占應驗
牙上梟鳴事已非殘卒自隨新將去老親空見舊奴歸
聞雞此夜誰同舞西望秋雲淚灑衣

登涵空閣

滾滾波濤漠漠天曲欄高棟此山顛置身直在浮雲上
縱目長過去鳥前數杵秋聲荒苑樹一帆暝色太湖船
老僧不識興亡恨只向遊人說往年

陪臨川公遊天池

騎馬尋幽度嶺遲老僧不識使君誰門開紅葉林間寺
泉浸青山石上池殘果已收猿食少枯松欲折鶴巢危
壁間不用題名字無限蒼苔沒舊碑

○江上晚眺懷王著作

渡頭西望足離情晚水寒山雪後清鷗立斷水流漸遠
鴉隨殘照去還明漁人笛過風生浦估客帆迴樹隔城
范蠡祠前春意動思君欲放酒船行

西寺晚歸

遠寺別僧歸隨鐘出烟嶺犬吠竹林間斜陽見人影
龍門飛來峰

風吹峨眉雲東依此山住我來不敢登只恐還飛去

送人遊湘中

離恨掛帆檣隨君遠入湘飛花蕩春影江水不勝長

蔡村田家

田中耒聲歇烟火西林起獨立候歸人柴門夕陽裏

聞舊教坊人歌

渭城歌罷獨悽然不及新聲世共憐今日岐王賓客盡

江南誰識李龜年

江上偶見

阿姬不畏晚寒多綠舫紅衣柳下過蒲浦秋荷已零落

如何猶唱采蓮歌

楊廉訪

名基字孟載吳郡人洪武間歷官山西按察使有眉菴集

結客少年場行

情如飛絮任悠揚心與遊絲共短長
花底若教連日醉坐中猶可少年狂
新調錦瑟爭傳譜巧製羅裳別貯香
衣以鳳翎分縫織帶將蛇角遍鞞粧
豪名獨擅鞦韆社俠氣平欺蹴鞠場
白壁一雙酬劍客明珠百斛買胡娘
金丸挾彈章臺左寶騎聞箏太液傍
梅子短墻羞擲果桃花深戶笑求漿
每嘲春比人先老不信愁如海叵量
猶有舊時桃李夢尚隨蝴蝶到遼陽

漠漠山中雲

漠漠山中雲豈是山上石天風一飄蕩
雲與山俱碧白雲嵯峨不出山道人
心與山雲閒明朝我亦乘雲去相遇蓬萊縹緲間

挂劍臺和黃子邕

語諾諾尚淺死諾諾更深當時季子意
卽是徐君心嗟嗟徐君骨已朽寶劍摩
挲掌在吾手正擬臨岐解贈君不意挂
君墳上柳挂劍果何益聊以明不欺當
時讓國心肯使徐君疑於乎劍可折臺
可墮死生之諾不可虧

淮陰祠

朝登韓信城暮謁淮陰祠荒祠屋瓦落古木聲差差當
時握漢兵劉項交相持舉足有輕重不負高帝知區區
假王封何足遽見疑全齊七十城寔爲陷穽機盧縮且
稱王耻與絳灌隨居常猶怏怏握手逢陳豨事起倉卒
間不意咸誅夷呂后固不仁鄴侯亦忍爲先王重報功
無乃此道虧至今淮水南落日啼鳥悲津頭有漂母一
飯竟哀誰

懷舊業

春館坐微雨午堦蘭氣清以茲魚鳥性遂適園林情嘉
樹細花落清池圓葉生芳辰與幽爽欣此一來并

高郵湖新開值雨

殘虹曉落西陂岸雨脚斜飛鷗鷺亂扁舟盡日畫中行
荷葉荷花香不斷船頭老翁一尺鬚斗量菱角兼賣魚
兒能鼓柁女蕩楫何用聰明多讀書

詠七姊妹花

紅羅鬪結同心小七葢參差弄春曉盡是東風兒女魂
蛾眉一樣青螺掃三姊妹娉婷四妹嬌綠窓虛度可憐宵
八姨秦國休相妬腸斷江東大小喬

題長江萬里圖

我家岷山更西住正見岷江發源處三巴春霽雪初消

百折千回向東去江水東流萬里長人今漂泊尚他鄉
烟波草色時牽恨風雨猿聲欲斷腸

○江村雜興二首

春墅一鳩啼橋危懶過谿徑苔都上壁野菜不分畦倚
杖妨花密看山碍竹低欲知幽隱處風雨白門西
將雨山光黑初晴樹色青賣薪沙店遠占穀瓦龜靈石
枕支頤冷江瓢漱齒腥醉餘春睡熟長得鳥呼醒

懷翟好問

愛爾山城隱柴門對縣衙酒貲千畝苧生計一園瓜雨
步荷巾濕風吟蓆帽斜時時扶短杖看竹到東家

秋日郊居雜興

落葉擁柴扉村深客過稀曉車分穀去晚笛飯牛歸漁
負雨蓑立鳥銜霜果飛此中真小隱予亦久忘機

送王中公之上海

薄宦依東海孤城隔戍烟花踈寒食後人遠暮帆前深
巷編蒲履斜岡種木綿毋煩厭荒寂微祿有畬田

盱眙懷古

舊說盱眙縣居民不掩關雞聲啼鳥上人影落花間簾
幙層層雨樓臺面面山惟餘孤塔在秋蘚綠斑斑

沙河雜詩

河曲帆頻轉崖高楫屢驚學人狐拜月照骨鬼吹燈斷
甓沉沙嘴殘碑露石稜不知何縣邑烟草沒荒塍

雪中燕

燕雪兩差池相兼拂繡幃玉樓迷故壘珠箔見烏衣斜
訝衝花落輕疑掠絮飛曉寒人未起還認畫梁歸

岳陽樓

春色醉巴陵闌干落洞庭水吞三楚白山接九疑青空
濶魚龍舞娉婷帝子靈何人夜吹笛風急雨冥冥

示楊水西

親老更家貧將歸未有因相逢難說與君是故鄉人

咏眉

雙鬢畫得勻烟柳鬪輕顰莫對初生月姮娥妬殺人

殘雪

庭雪半消殘猶存舊臘寒春風如有意留待隔年看

鬪草

珠玉賭牙籤爭奇手自拈一籌矜獨勝袖有謝公髯

春草

嫩碧柔香遠更濃春來無處不丰茸六朝舊恨斜陽裏
南浦新愁細雨中近水欲迷歌扇綠隔花遙襯舞裙紅
平川十里人歸晚無數牛羊一笛風

賣袍

鷓鴣行中舊賜緋團花分縫織秋葵齋宮夜直鷄前着
內殿春朝馬上披仙露滴身猶點點御香薰袖尚離離
山中無復瀛洲夢換取金錢作酒貲

○ 過豐城

雲樹參差接遠汀隔沙誰識是豐城芙蓉不禁行人採
薜荔多依古樹生寒店雞聲烟寺遠滄江鴻影暮川晴
欲將三弄桓伊笛吹向船頭喚月明

寺作
墅佳

春暮西園雜興

踈踈簾影漾微波庭戶無人鳥自過一樹楊花三日雨

池塘春水綠萍多

登宋宮故基

上皇宮殿碧參差嗟我來登見廢基盡道河邊金線柳
腰肢猶似李師師

無題和唐李義山

夜合花邊待月來宮中軋轆響春雷笙調恨譜參差度
錦織愁紋宛轉迴樓上綠珠知報主座中紅拂解憐才
傷情兩炬緋羅燭吹作銀荷葉上灰

張司丞

名羽字來儀潯陽人洪武間
歷官太常司丞有靜居集

雨夜

寢閣去門遠，春雨荒園夕。誰謂在人境，宛似空山客。禽
歸暗竹喧，風斷踈鐘寂。戚戚寡懽悰，良宵端可惜。

始聞早砧

寂寂秋景晏，蕭蕭涼吹生。閨人感寒至，一軫遠人情。嘹
亮清砧動，紆徐雙杵鳴。微茫帶烟遠，蕭踈出林輕。此時
離居客，單眠夢亦驚。披衣一惆悵，斜月滿山城。

飲酒桂花下

端居無所娛，賞心寓草木。亭亭巖中桂，開花慰幽獨。對
月延清芬，憑風遞輕馥。千林向搖落，對此聊自足。攀條
懷舊隱，玩芳尋往躅。一采黃金花，泛此芳樽醪。

望西山懷子文

竹色悅朝雨，鳥鳴人正閒。拄頰信手板，遙詠西樓山。企
彼巢居士，高眠石林間。團團青桂樹，歲晏待予攀。

寄中竺泐季潭

師從鍾山來，遺我故人書。一入白雲去，相思秋雨餘。徒
慙塵土迹，來擬竹林居。遙想中峰月，清梵滿空虛。

暮歸聞許文學枉顧

留連東齋飲，迢遞獨歸遲。忽逢山僧話，知枉故人期。月
華窓上動，禽響竹閒移。不遇君閒咏，悠悠清夜思。

題胡玄素畫

我有一區宅寄在匡廬山。香爐起戶外。瀑布落簷間。梅
老花空發。草芳人未還。惟有藤蘿月。夜夜照松關。

咸陽宮行

客言咸陽宮亦廢有民種瓜其上感而遂賦

百二山河蒙祖力。六雄仰關不敢敵。金人十二高崢嶸。
天下甲兵從此息。天子曉御咸陽宮。樓閣高低複道通。
千石之鐘萬石簾。遙聞天樂在虛空。宮車隱隱春雷起。
渭川曉漲胭脂水。六宮粉黛漫如雲。不救明年祖龍死。
榮華奄忽何可論。千門萬戶無復存。遺墟又被民家占。
四望空餘瓜蔓根。行人爲問瓜田老。地上揮鋤休草草。
荆軻昔日猛如狼。曾來此地見秦王。百夫之勇猶披靡。

汝今唐突何敢爾。

趙魏公竹枝歌

趙魏公。宋王孫。風流白晢更能文。丹青自比董北苑。書
法兼工王右軍。至元詔書徵草澤。召見廷中推第一。三
府趨朝賀得人。萬乘臨軒賜顏色。殿前落筆侍臣驚。雞
林象郡總知名。夫人通籍宮中宴。兒子承恩內裏行。一
家三人書總好。天子頻稱古來少。疏廣歸來有賜金。張
芝閒處多章草。全盛須臾那可倫。百年喬木易成塵。淒
涼故宅屬官府。零落諸孫隨市人。空留遺跡傳身後。一
紙千金爭欲售。屏風畫絕爲誰收。團扇書工亦何有。唐

生購得墨竹枝。一尺中含千尺姿。若非松雪齋前見。應是漚波亭下披。曲池已平臺已壞。露葉烟叢竟何在。惟有雙溪水北流。至今猶遶空墻外。

送客還山

乍見卽言還。望雲歸遠山。舟行白鳥外。路出綠陰間。隣父開松徑。家童掃竹關。世途方擾擾。誰復似君閒。

遊山寺

紅塵飛不到。一寺倚巖陰。松老知僧臘。潭空悟佛心。古碑蒼蘚合。踈磬白雲深。坐久生幽思。斜陽下遠岑。

贈僧還日本

杖錫去隨緣。鄉山在日邊。遍叅東土法。頓悟上乘禪。呪水龍歸鉢。翻經浪避船。本來無去住。相別與潛然。

秋夜臥病

清齋夜方寂。臥病誰相親。秋螢如有意。殷勤來照人。

雪川舟中

兩岸茗花水一溪。白沙浦口放船時。斜陽目送南飛鴈。過却好山都不知。

取勝亭感舊

綠雨微消紫陌塵。湖光冷落似無春。朱門記得曾遊處。楊柳青青不見人。

徐方伯

名賁字幼文吳郡人洪武間歷官河南左布政有北郭集時稱十才子幼文其一也

古別離

清晨戒嚴裝送別河之干北風塞上起黃沙浩漫漫米
雪日以繁徒旅日以寒不悲道路遠所愁衣裳單徒行
義不可頓使摧心肝流光信奔馳君歸有時待但惜少
年去坐令顏色眇

名都一何綺

名都誇綺麗千門爭向開射熊舊闢館迎鳳新築臺畫
轂金吾過駿馬玉璫來縱橫九衢裏日日逐塵埃

別離曲

一作送主簿王儀中之華亭

山風吹霜榆葉老城鴉傳聲天欲曉征徒出門駕行裝
斗杓倒懸月無光我停露車客停馬荒烟蕭蕭暗平野
一盃濁酒且須傾九月垂楊不堪把歌聲感激絃聲繁
坐上醉人爭笑喧相逢相別皆草草心事如絲向誰道
長歌復短歌四首

長歌長短歌短百歲人生那得滿昔不樂今何如少年
馬用多讀書桑樞甕牖為窮儒

短歌短長歌長男兒有足行四方鞍在馬輪在車請君
莫言道路賒安能局束長在家

長歌停短歌起春風吹入行人耳壯年少老日多人生

有志莫蹉跎致君堯舜當如何
短歌歎長歌續百年碌碌復碌碌交者多知者少取次
論心皆草草志士棲遲眼中老

農父謠送顧明府由吳邑陞常熟

我家茆屋臨官道前種桑麻後梨棗年年力作不違時
人有餘糧牛有草官長下車今五年老身不到州縣前
鄉無吏胥門戶靜家家盡稱官長賢大男入郭買田具
始知官長移官去來時憶向官道迎今日去時須送行
攀轅欲留留不止我民倉惶彼民喜殷勤再拜官道傍
願獻三江一杯水

同高記室訪虎丘蟾菴二上人

林下曾相見重來記往年笑談俱是法去住本無緣山
溜泉通脉簾陰竹護烟暫忘人世事得此共棲禪

兵後過畢亭山

畢亭西去遠一過一凄然鴈宿蘆中月人歸草際烟漁
家多近水戎壘半侵田尚喜餘民在停舟問昔年

題春江雲舍

舍遠深藏樹沙虛暗宿雲春江孤艇度村逕幾家分出
澗泉皆雨當門草是芸花時重相約載酒此逢君

馮山人湖上別業

宅近南湖口青山盡在門田卑嘗冒水鄰少不成村住
久諳農事耽閒悟道言如君避地者今有幾家存

送思上人

一瓶與一錫遊越復遊吳到寺長逢舊看山每過湖飯
緣隨處有法意本來無南地多猿鳥還驚梵語殊

舊作鹿佳

送袁伯貞之湖廣

尋常送別自堪憐君去那能不悵然客路有蘭知楚地
驛亭多雨憶吳天離鴻一一風檣外寒水迢迢雪嶂前
後夜相思千里隔江鄉梅柳是新年

咏芙蓉送朱仲垣歸越

雨晴送客柳塘西野水芙蓉滿大堤一路看花何處好
樓船直到若耶溪

折花背立美人圖

繡罷春衫出閣遲辛夷花下立多時內園盡日無人到
不省含羞怕見誰

折蓮子呈孟載

落盡紅衣見綠房折來猶帶水雲香柔絲欲落芳心苦
未及秋風已斷腸

上菁山尋王張二山人不值

此日尋君竟不逢閒行直到最高峰歸時已是斜陽後

惆悵荒山寺裏鐘

倪隱君

名瓚字元鎮別號雲林子無錫人生於元季性行高潔洪武初數徵不起詩畫擅於時

俞子中見過

積雨衆芳歇新晴生綠陰獨眠方不愜多子復相尋
鳴鹿在春野啼鶯聞遠林余懷良已罄咏嘯罷清琴

悼朱高士

秋日高人逝微霜蕙草摧鵝羣空碧沼鶴影自層臺
應馭冷風出疑隨密霧來松杉暮蕭瑟撫事有餘哀

寄廉夫

吳淞江水春汀洲多綠蘋彈琴吹鐵篴中有古衣巾我

欲載美酒長歌東問津漁舟狎鷗鳥花下訪秦人

○又贈道益并似陸明本

作賦雲間陸能詩鄴下劉悲秋多遠思揆柁愜清遊
竹冷侵衣屨窓虛見斗牛燈前一杯酒漂泊更維舟

題元朴上人壁

蕭條江上寺迢遞白雲橫坐待高僧久時聞落葉聲
鳴夷懷往躅張翰有餘情獨棹扁舟去門前潮未生

七月十四日對雨

雨簷驚瀉瀑江漲忽通渠古砌羅秋草荒畦綴晚蔬
稍開雲表月還掩篋中書欲話幽貞意忘言已久如

貽文舉

波光浮翠閣苔色上春衣
楊柳鶯啼邃櫻桃鳥啄稀
榮名非所慕登覽意忘歸
泐水宜脩禊重來坐釣磯

雨儿

雨儿唯生睡村醪不解愁
泥塗深溺象身世渺浮漚
逕草紛披濕林扉慘淡秋
何人富春渚五月被羊裘

○賦德機徵君荆南精舍圖

結廬溪水南勝處足幽探
夏果落山雨春衣染夕嵐
石欹招鶴磴門俯射蛟潭
日日縈歸夢蕭條雪滿簷

徐氏南園對雨

櫻桃花欲落春雨暮淒迷
忽憶臯園日竹林通磧西
豈苗滋野逕蘭葉長芳畦
念我當時友蒿萊沒舊蹊

泊舟

泊舟嘉樹下開牖碧江濤
慨然念黃落憇景息清陰
多暇觀魚鳥容與一登臨
駭跡塵喧久欲寡天機深

奉和虞學士賦上清劉真人畫像

君向積金峰頂住長年高臥聽松風
蓬萊雲近瞻天闕
劍佩春明下漢宮
歸去長謔紫芝曲翩然遠挹黃眉翁
標名合在諸天上何事躡身巖壑中

留別王元用

秋蛩唧唧雨蕭蕭
楮穎陶泓伴寂寥
此去不能期後會
清言聊以永今朝
濕雲窓裏初溫酒
白鳥汀前又晚潮
故國何人賦招隱
桂花零落更停撓

吳中

望中烟草古長洲
不見當時麋鹿遊
滿目越來溪上水
流將春夢過杭州

聞竹枝歌因效其聲二首

鈿山湖影接松江
橘葉青青柿葉黃
要寫新愁寄音信
西風斷鴈不成行
江流不住楚山青
船到潯陽幾日程
不忍寄將雙淚去

門前潮落又潮生

田家

山鳥下窺窓牖春
風時過柴門避世
何須鄭谷作書已
絕巨源

題畫

菴畫溪頭喚渡銅
棺山下尋僧水榭
汀橋曲曲風林雲
磴層層

畫贈呂志學

掩書臥空林白鶴
飛來獨冥心想廬
霍畢願栖天目寂
寞竟何言陂塘春
水綠

江南曲

春風顛春雨急清淚泓泓江竹濕落花辭枝悔何及絲
桐哀鳴亂山碧嗟我胡為去鄉邑相如家徒四壁立柳
花入水化綠萍江波搖蕩心怔營

懷古

仙人悲世換宴景在清都寒暑自來往英雄生鈞屠錢
塘江畔柳風雨夜啼烏

楊廉夫

名維禎字廉夫號鐵崖會稽人元季儒
學提舉洪武初聘應修史隱于雲間

○ 箏策吟

贈朔客杜寬用趙季文韻

春風吹船下揚州夜聽邃聲江月流故宮搖落楊柳秋

客子於邑山陽愁明朝此聲不可求乃知朔客杜寬者
手持悲策尋南遊胡笳拍中愁未休龜茲角筦親編收
王門歷盡及五侯翩然鴻飛不可留邃材既訪柯椽鏤
更協鳴鳳崑崙丘卷蘆易地鳴隴頭城南思婦訶牽牛
欲絕未絕一縷抽劃然石裂千丈湫叫噪鵝鶴飛蛟蚪
洞庭之水天東浮杜寬杜寬藝絕優藝隱豈比閔張作推
淳儔為君賞美酒不惜千金裘和我君山鎮邪邃與爾
同登黃鶴樓

○ 張猩猩胡琴引 有序

胡琴在南為二絃子在北為今名亦古月琴之
遺製也教坊弟子工之者衆矣而稱絕者渺胡

人張猩猩者絕妙於是時過余索金剛
瘦胡琴名作南北弄故爲製胡琴引

張猩猩嗜酒復嗜音春雲小宮鸚鵡吟猩猩帳底軋胡
琴一雙銀絲紫龍口瀉下驪珠三百斗割焉火豆爆絕
弦尚覺鶯聲在楊柳神弦夢入鬼工秋湘山搖江江倒
流玉兔爲爾停月曰飛魚爲爾躍神丹西來天官坐栲
栳羗絲啁啁聽者惱張猩一曲獨當筵乞與五花金線
襖春風殘絲二十年江南相見落花天道人春夢飛胡
蝶手弄金瓢卽金剛瘦也合篋葉張猩猩手如雨勸爾更盡
雙叵羅白頭吳娥年少詞金剛悲啼柰樂何

雉城曲

手洗一作手挹

盪舟橫塘去塘上野鴛鴦鴛鴦忽飛去相見雙女郎齊
唱雉城曲共製夫容裳手洗藕花露勸君荷葉囊何以
報永好解佩雙明璫妾住雉城裏不是雉城倡

采桑詞

南史徐妃淫妬私通左右帝疾之賜死又製金樓子以述其淫行

吳蠶孕金蛾吳娘中夜起明朝南陌頭采桑鬢不理使
君從何來調妾桑中憇不識秋胡妻誤認金樓子

采菱曲

東過一作未過

若下清塘好清塘勝若耶鴛鴦飛鏡浦瀉鵝睡銀沙兩
槳夾螳臂雙榔交犬牙照波還自惜艷色似荷花袖惹
紅萍濕裙牽翠蔓斜大堤東過客背面在蒹葭日落江

風起清歌襍咲哇

虎丘篇

銀河或作銀海

路出女濱湖警蹕霸王驅霽池飛霹靂枯塚走於菟老
禪猶點石仙鬼只疑狐祖龍來發闕銀河又飛鳧

要離塚

金昌亭下路春草沒荒丘云是要離塚令人生古愁侏
兒三尺榦不佩雙吳鉤中包猛士膽白日照高秋忍死
屠骨肉視身若蜉蝣荆軻不了恨慶忌成身謀如何五
噫客死與爾同仇

大風謠

大風起不終朝如何三日夜日日夜夜旋扶搖捲水覆
我舟卷土覆我窰烏乎太平玉瑄將誰調五日一風不
鳴條

吳農謠

董賢或作偃賢

吳農竭力畊王田王賦已供常餓眠鄧通董賢何為者
一生長用水衡錢

鬪雞行

兩雄勇銑誇匹敵老距當場利如戟毳毳綰蝟刺張
怒咽硯礪嗔睛碧劍心一動碎花冠口血相汚膠綵翼
何當罷閤作啼聲埭上梨花春露滴

春俠雜詞三首

柘林縱獵金毛鷹花街行春銀面馬夜宿倡樓酒未醒
飄風吹落鴛鴦瓦

昨日布衣行九州今日繡衣拜冕旒馬前清道一千步
當街不敢闕高樓

西江美人久不見手把新題合歡扇鯉魚憑送相思書
霸王門前水如箭

燕子詞

燕子來時春雨香燕子去時秋雨涼鴛鴦一生不作客
夜夜不離雙井塘

白頭吟

長夜白頭吟新絲理故琴莫將一日意誤結百年心

楊柳詞

楊柳董家橋鵝黃幾萬條行人莫到此春色易相撩

採蓮曲

同生願同死死葬清泠注下作鎖子藕上作雙頭花

續弦言

麟角煮爲膠續弦弦在弓丁寧弦上箭莫射孤飛鴻

買妾言

買妾千黃金許身不許心使君聞有婦夜夜白頭吟

宮詞二首

十二瑤樓浸月華
桐花移影上窓紗
簷前不插鹽枝竹
臥聽金羊引小車

金屋秋深露氣涼
宮監久不到西廂
丁寧莫竊寧哥笛
鸚姆無情說短長

小遊仙二首

麻姑今夜過青丘
玉醴催斟白玉舟
莫向外人矜指爪
酒酣為我擘篁篸

日落海門吹鳳匏
須臾海水沸如炮
船頭處女來聽曲
知是洞庭千歲蛟

盼盼唐張建封節制武寧納妓盼盼於燕子樓公薨不他適

塚上白楊今十年
樓頭燕子尚留連
銅臺多少丁寧恨
誰向西陵望堞田

雜咏五首

阿琰胡笳不足傳
離鸞別鵠意凄然
請郎為洗箏琶耳
不惜為郎彈絕絃

鸚鵡舌巧言猶獠
字字使君親口教
今日金錢初受賞
倚聲同合鳳凰巢

十六天魔教已成
背反蓮掌苦嫌生
夜深不管俳場歇
尚向燈前蹋影行

夜搗守宮金鳳蕊十尖盡換紅雅紫閒來一曲鼓瑤琴
數點桃花汎流水

右染甲

漏減良宵晝日遲困人天氣酒中時東家女伴太嬌劣
偷解裙腰竟不知

右甘睡

張學士 名以寧字志道福之古田人元末仕祭酒洪武初官翰林侍講學士奉使安南有翠屏集

七夕吟同張士行賦

銀河迢迢向東注玉女盈盈隔秋渚金梭飛飛擲烟霧
織作青鸞寄幽素青鸞織成不飛去仙郎脉脉愁無語
無語相望朝復暮白榆搖落成秋樹藕花香冷鴛鴦浦
天上銀橋寶車度風清蕊殿開瑤戶雲屏霧褥芙蓉吐

經年香夢遙相許一夕離腸為郎訴弄姬妬人留不住
天雞角角扶桑曙龍巾荏苒啼紅露亂點雲開逗飛雨
伯勞西飛燕東翥河乾石爛愁終古翠樓乞巧娉婷女
鏡裏青螺掃眉嫵博山沉烟裊雙縷不識人間別離苦

閩關水吟

閩關之水來隴頭排山下與閩溪流閩溪送客東南走
直到嵩溪始分手客居溪上雲幾重烏啼月出門前松
天風吹雲數千里飄颻直度長江水清淮浩蕩連黃河
碧樹滿地黃雲多夢中長記關山路隴水潺湲似人語
覺來有書不得將海潮不上嵩溪陽平原春晚生芳草

杜鵑聲裏令人老行人歸來動十年潺湲隴水聲依然
安得湘弦寫嗚咽彈作相思寄明月

舒嘯軒

幽居蒼竹林永嘯白雲岑自吐虹蜺氣人聞鸞鳳音野
烟喬木晚江雨落花深亦有東臯興何當一抱琴

峨眉亭

白酒雙銀瓶獨酌峨眉亭不見謫仙人但見三山青秋
色淮上來蒼然滿雲汀欲將五十弦彈與蛟龍聽

無錫道中

疊橋隨港直聯木護堤偏村落皆通水人家半繫船橋

花香曙露楊葉淡寒烟中土何寥廓黃沙人種田

送劉素軒作守

使君持節西南去漢水東邊十萬家每與儒生陳俎豆
閒隨野老問桑麻雙旌曉出千原雨五馬春行幾縣花
耆舊只今能有幾一麾莫道遠京華

秋景

秋巘白雲晚霜林紅樹多野橋山郭外行子暮來過爲
問小搖落江南今若何

題劉君濟青山白雲圖

野性夙所忻青山無垢氛落花一夜雨幽樹滿川雲鹿

跡閒行見松香獨坐聞殷勤招白鶴予亦離人羣

○ 題山水圖

山水坐來見脩然無俗氛碧巖虛夜月江樹靜秋雲鳥影似猶見猿聲疑或聞自憐歸未許遙憶武夷君

○ 吳門懷古

曾見吳王歌舞時遺臺廢苑不勝悲春風鴈唳菰蒲葉夜月烏啼楊柳枝有客買舟尋范蠡無人穿塚近要離館娃宮外繁花發遊女長歌白紵詞

安南使令上頭翰林校書阮法獻詩次韻二首

窮髮雕題已一家日南使者覲京華 君王親校燕山

籍駕出金根白象車

十月南荒暑氣微洱河驛外葉初飛遙知夾岸人爭看入貢中朝使者歸

過桐廬

江邊三月草淒淒綠樹蒼烟望欲迷細雨孤帆春睡起青山兩岸畫眉啼

國雅卷之一

國雅卷之二

勾吳顧起綸玄言選

汪忠勤

名廣洋字朝宗高郵人洪武初官中書以從征功進爵忠勤伯

朝日何曛曛

朝日何曛曛澄輝麗華嶼衆鳥欣已集交交互鳴語緬
懷當來遊旌麾戒炎暑樓船渡烟霧弭節章江渚章渚
隘卑濕夕氣暝蒸雨偃仰憑危閣何以浣襟宇適茲涼
飈至高蟬振鳴羽清芬散川原微瀾動浦淑誰云披景
光寧不感時序獨立悵余懷馳思更延佇

遠遊陪師西征

朝發庾公樓夕扣滕王閣長歌奮激烈清風蕩寥廓張
帆江水秋伐鼓關月落予亦將遠遊明當造黃鶴

豫章南閣臨眺

章江澄夕景杞樹集涼颼疊閣連雲起凝笳帶月悲因
茲懷舊感登覽獨移時

楊白花

楊白花爾何白蕩漾春心易南北媿人深宮愁捧心擊
碎珊瑚為誰惜大江東流烟霧深欲往從之思如織

月夜同諸友酌

休撥紫檀槽且傾黃酒醪涼天蕪得月我輩復持螯彭

蠡一杯大匡廬半壁高竹林瀟灑地應有醉山濤

登徐孺子亭

高士不可得茲亭幸爾留偶來逢暇日况復及清秋湖
水當門落松雲傍枕浮幾時閒歷覽乘月放扁舟

西掖聞鶯

粉署春已晚黃鸝時復鳴落花蕩輕吹繁木翳新晴舒
語多聯續餘音入紫清鳳凰池上客一曲送新聲

贛城水東

烟嶼水花淨風潭雲樹齊倒藤懸宿鳥絕壁掛晴霓
寂坐忘返空冥思欲迷塵纓如可澣予亦賦幽棲

國朝卷二
嶺南道中

過盡梅關路灘行喜順流滄江元到海橫石不容輟嶺
樹垂紅葉汀沙聚白鷗從來交廣地還是古揚州

夜分

好雨滌煩暑夜分渾是秋沙明疑見雪月上可行舟涼
氣侵床榻清風入柵樓浣花村裏客只合住滄州

宿宣城山家

委曲疑無路幽深別有天偶披青嶂入得與白雲眠樹
密巢歸鳥溪迴響暗泉草堂終夜寂高枕聽鳴絃

廣陵懷舊

官柳陰陰鎖汴橋暖催晴綠上蘭橈花迎後主依然在
人去東風不可招紫陌漸稀春試馬青樓殊絕夜鳴簫
回看烽火連雲起應使江淹笑寂寥

對竹

我家湖水上長與竹爲隣今夜月明裏相看如故人

過叢山關觀孫炎題壁

空翠深深啼竹雞叢山塞口日沉西數行大字光如漆
知是孫炎醉後題

嶺南雜錄四首

石鼎微熏茉莉香椰瓢滿貯荔枝漿木綿花落南風起

五月交州海氣涼

吉貝衣單木屐輕晚涼門外踏新晴相逢故舊無多語
解說邊鑪骨董羹

誰跨鯨鯢斬斷虹海波飛立陣雲空闍婆真臘船收澳
知是來朝起颶風

斷虹見乃颶風之兆

花覆禪房刻漏遲妙香浮動碧蓮池月明風細菩提落
想是南能出定時

孫翰籍

名黃字仲衍號西菴廣中
人洪武間官翰林典籍

行行重行行

岐路一尊酒送君今遠行交持未及竟絲管激哀聲
并

并歲華暮悠悠雲氣征馳車戒往路惻惻傷我情我情
默已傷歡愛不可忘昔爲春花妍今爲秋草芳秋草芳
有時夫君見無期獨宿坐長夜淚落如縷縻白日儻回
照孤懷君所知

西北有高樓

華月散高樹列曜何參差流光射結綺思婦慘中闈良
人涉遠道感嘆夜何其清聲發妙曲宛轉有餘哀妙曲
固可聽餘哀知爲誰春至桃李妍歲暮華色衰居然獨
處廓顧影久徘徊

明月何皎皎

歡愛夏日短憂愁春夜長房帷敞虛白對此華月光薄
寒淒以至入我羅衣裳悄悄感心目欲寐還徬遑良人
遠行役三載滯遠方別時木葉落今已花卉芳無由達
衷曲悵望隔河梁

期羅浮蕭鍊師不至

石室松桂秋涼風滌殘暑柴門敞空曲曠夕懷仙侶巢
笙久不至鶴馭今何許朗月流清輝山中幾延佇

紫騮馬

紫騮馬黃金羈兒家夫婿金陵兒金陵正值繁華時日
與遊俠相追隨追隨遊俠金陵下長跨金羈紫騮馬賭

勝初登蹴鞠場縱酒還來鬪鷄社越羅楚練照晴空飛
鞚揚鞭去似龍卻轉端門回輦路斜穿夾道過行宮行
宮夾道通三市長使傍人誇意氣紫陌春融錦繡連青
樓日暮簫笙起青樓娼女研羅裙清歌宛轉駐流雲歌
闌陌上春風度舞罷樓前壁月新陌上樓前相識多相
陪相引屢經過房櫳寂寞交疏裏雲髻粧成柰爾何

行路難

龍門西接崑崙丘中有一帶黃河流風雷噴薄不可以
利涉鬼浪吐雪龍為愁我行欲濟無方舟長吟澤畔成
久留暮天搖落對羈客白石楚楚清楓秋行路難歲將

夕靈槎八月秋風生安得乘之泝空碧

○白紵詞

館娃宮畔風蕭蕭芙蓉墮香楊柳凋銀河影淡烏鵲橋
熒熒雙星麗碧霄美人微醉臉紅潮筵前舉袖吹玉簫
齊歌白紵鬪妖嬈越羅楚練風飄飄此時奉君情欲絕
銅龍夜深宮水咽銀牀低轉梧桐月

蔣陵兒

蔣陵健兒身手捷青年好遊仍好俠錦衣繡帽綵絲囊
綠髻葱龍映朱頰春風三月蔣陵西柳暗秦淮花滿堤
窈窕金鞍搖日出輕盈紫燕踏花嘶佳人紈扇和詩贈

上客金瓶帶酒携上客留連正及時佳人妙舞鬪腰肢
舞回璧月當空見歌罷楊花似雪飛楊花似雪紛紛落
酣醉人前誇浪譁自然不分揖金張况肯低頭拜衛霍
意氣由來凌七貴豪華豈必資三畧五侯宅裏聽啼鴛
廷尉門前彈羅雀揚雄寂寞掩柴扉草得玄成髻若絲
歲歲年年書閣底惟應羨殺蔣陵兒

送翰林典籍張敏行之官西上

燉煌城下沙如雪燉煌城頭無六月關西勁卒勇防秋
羽書夜半飛龍樓九重下詔徵貔虎推轂上將開都府
黃旗捲日大軍行旄頭化石夜有聲燉煌迢迢五千里

十月卽渡黃河水，上將翩翩才且雄。平戎不數貳師功，叱咤猶在輪臺北。疋馬已入渠黎國，左校偏裨晚射鵰。倚鞍醉索單于朝，西山黑風吹墮瓦。霜角啾啾塞垣下，太平今見遠宣威。君往從戎幾日歸，幕下文儒兼解武。詞林從此有光輝。

○次武昌

大風吹船如馬走，船頭水聲作牛吼。挂帆初發岳陽磯，轉柁俄灣武昌口。武昌城頭黃鶴樓，飛簷遠映鸚鵡洲。漢陽樹白烟景濕，行人如鷗沙際立。江南風土寒氣遲，居人九月著絺衣。酒旗臨江開竹屋，當壚小姬能楚曲。

蜻蜓船尾旋回風，今夕停船酒家宿。

○羅浮遊息

四百峰巒列海圖，飛雲絕頂敞玄都。丹砂五色時光焰，紫翠中天半有無。觀裏松株皆住鶴，山中竹葉盡成符。鐵橋歸去尋清賞，爛醉仙人白玉壺。

出蜀

白帝秋高木葉黃，蜀中長是雨浪浪。瞿塘水落漩渦小，一路看山到岳陽。

黃待制

名哲字庸之號雪蓬南海人洪武初待制翰林有雪蓬集

戰城南

君不聞陰山敕勒川胡兒飲馬來翩翩狼頭大燾三萬
落鸞弧注槊雄燕然烏桓古道黃沙塞青塚荒原白骨
田漢將鷹揚遙度磧戎兵獸駭復窺邊邊烽夕照甘泉
殿殺氣浮空白如練右地連營夜合圍左賢鳴鏑朝馳
戰聞道嫖姚新築城先令都護出奇兵三門八陣互纏
繞萬衆一心同死生偏裨轉鬪血凝肘箭鋒流星餓鴟
吼卷甲遙塞大校旗橫戈怒落單于首愁雲慘日共亡
胡敗馬號鳴霜草枯金裘寶玦青珊瑚閼氏花顏泣路
隅含悲掩袂辭穹廬彫盤跪進紫駝酥軍中椎牛日高
會蒲萄寒香濃不醉振旅先論衛霍功封侯未數金張
貴封侯意氣本雄豪誰識沙場汗馬勞惟有城南征戰
地髑髏京觀長蓬蒿

、 弔陳思王

祠墓在東阿

鄴都雄盛日英才妙七賢夫君照乘珠五色麗且鮮西
園倡華藻東洛賦嬋娟游鸞翔朝旭芳藻映碧漣始協
棣華美寧虞箕豆煎桐圭空錫社銀海閉陰泉白楊翳
荆榛狐兔穴其阡喟然兼山嘆肯企淮南僊

舟次靈洲候鄭雄飛使回不至

湛露晨未晞秋華被原隰征途夙已戒承命履遐邑桂
水寒悠悠揚帆望不及川鱗想同泳羈羽尚云戢維楫

乖素期臨流重於邑睠然沮溺耦詎灑楊朱泣惆悵芳
菲情日暮空佇立

與伯貞或華二友會

二妙聯英標睠言顧榛莽良晤諧夙心玄談慰幽愴江
蘼澹新綠谷鶯聞遠響感此離索情浩蕩烟霞想夷白
抗浮雲臨清延素賞何因繼芳躅一丘同偃仰

贈錡仁仲昆季還浙東

沉憂自多緒復此送歸人昨夜淮南雨不知芳樹春
來持別酒相與慰茲晨日暮行艫渺東南瀾越津

寄道士蕭止菴

昔寓朱明洞神游碧澗阿庭臨棲鶴樹衣拂挂猿蘿鳳
吹青雲曲龍琴白雪歌仍慙勾漏令塵夢入槐柯

青宮哀詞

懿文皇太子也

前星光隕太微間雲闕龍歸不可攀慘結玄雲迷海嶽
淚揮寒雨遍戎蠻清都鶴駕翱翔遠緱嶺鸞笙縹緲還
遙想 皇情哀慟處萬年松栢紫金山

游洪範池與劉文正

澗門斜日照金潭千尺藤蘿挂石龕騎馬獨來高處望
蒲山松栢似江南

李長史

名德字仲修號易菴南海人洪武初授洛陽長史有易菴集

孟夏三日感興

春陽舍我去四序無時停鬱鬱當軒柳珍禽時一鳴素
琴寓我適濁酒陶我情顏髻雖云改寸心有所憑偃仰
東窓下聊以寄吾生

宿栖雲菴

衆壑忽已暝遠近響清湍山中對僧定疎雨掩柴門柳
暗猿狖集氣交風露寒攬衣中夜起蘿月在巖端

亭亭水上蕖

亭亭水上蕖皎皎沼中藕花落子亦成色衰心不朽中
藏千萬緒處污恒自守不學楊白花隨風入窓牖

○寄孫典籍仲衍

南園草色參差綠忽憶佳人美如玉玉堂揮翰事成陳
草屋懸燈照幽獨江湖狂客未言歸翹首東南淚濕衣
何時淨拂青溪石與爾橫竿釣落暉

秋晴

熾炬搖紅紗隙凍沉香帳底鴛鴦夢芙蓉波冷薄霜凝
一夜離鸞憶單鳳梧桐金井啼曙鴉夢郎封侯歸妾家
開門自掃枇杷花

塘上行

露濕藕花香花折藕絲長豈無鳧與鴈不似錦鴛鴦

劉文成

名基字伯溫青田人洪武初官贈御史中丞兼學士封誠意伯正德中追贈太師并謚

思歸引

山高高兮可以望四荒胡躋爾顛兮而不見我故鄉歲
云暮兮無衣裳車罷馬羸兮僕夫頓僵水有蛟鱔兮陸
有虎狼于嗟柰何兮惟懷永傷

思美人

雨欲來風蕭蕭披桂枝拂陵茗繁英墮鮮葉飄揚烟埃
靡招搖激房帷發綺綃中髮膚憊寂寥思美人隔青霄
水渺茫山岵崑雲中鳥何脩脩欲寄書天路遙東逝川
不可邀芳蘭花日夜凋掩瑤琴聞玉簫魂眾眾心搖搖

望明月歌且謔聊逍遙永今宵

長安道

長安道送盡芳菲到枯槁人生衰盛苦不常何異長安
道傍草漢家將軍初拜官門前上客車班班一朝世衰
烟燄歇車輪無聲馬蹄絕明年有詔封冠軍依舊車馬
來如雲

次李子庚韻

風落餘花春事非愁心烟雨共霏霏溪雲不作從龍起
山石何須學燕飛籬下舊存彭澤菊林間新長首陽薇
夜闌忽漫聞啼鳥腸斷天涯信使稀

國雅卷二
十一
旅興二首

窮巷屏人跡開門見青山青山似故鄉客子何當還
蝻
蝻日夜鳴綠樹亦已殷白日駛西征浮雲不可攀安得
生羽翼奮飛出雲間

雨來群山暗雨過群山明山明猿鳥喜山暗猿鳥驚歲
暮陰風起白日西南傾寒蟬枝上號阜螽草間鳴人生
非草木能無感中情

旅夜

月光天上來入戶清如水遊子忽思家披衣中夜起徙
倚步回廊烏啼夜未央欲飛無羽翼零淚濕衣裳

次韻和王文明絕句漫興

芙蓉湖上夕陽低楊柳枝頭一鳥棲獨倚闌干看山色
白雲飛過若耶溪

過蘇州

姑蘇臺下垂楊柳曾爲張王護禁城今日淡烟芳草重
暮蟬猶作管絃聲

次韻和石末公

徒聞彈鋏怨無魚未見兼程貢蠟書四海城池總完壁
只今誰是藺相如

憶昔

憶昔上林花發時黃蜂撩亂蝶參差如今花落枯枝在
付與秋蟲挂網絲

發景州

澹澹夕風作蕭蕭蘆葉鳴林間衆鳥息河上一舟行海
近雲常濕天虛月更清神京看漸近且緩望鄉情

古戍

古戍連山火新城殷地笳九州猶虎豹四海未桑麻天
迴雲垂草江空雪覆沙野梅燒不盡時見兩三花

宋文憲

名濂字景濂別號潛溪溇浦江人洪武
中仕翰林學士承旨至正德間追謚

寄遠曲四首

淚盡愁難盡燕歸人未歸遙知君念妾似妾憶君時
憂心不可寫天際望歸舟江長望不極更上一層樓
妾有五字詩寄君君勿忘十朝成一字字字九回腸
關河勞夢魂欲見杳難憑照君文繡帳相近不如鎗

涼夜曲

紅爵綠疏回曉光翠眉雪肌凝白肪蟬衫麟帶結寶璫
吳絲蜀桐啼鳳凰盤龍蘭鼎生暖香桃笙豹枕展曲房

林貞外

名鴻字子羽閩人洪武
間歷官比部貞外

遊芙蓉峰

密竹不知路渡溪微有蹤懸知石上約定向松間逢物

八國雅卷二
候變黃鳥菖蒲花蒙茸相望不可卽裊裊霜天鐘

金鷄巖僧室

遠公青蓮宇百尺構雲闕一徑入松蘿山泉濯苔髮石
房彈玉琴清響在林樾夜來滄海寒夢遶波上月微吟
白雲篇高興了未輟未能悟聲聞安得離言說

指佞草

元氣殊萬類惟人最通明夫何此靈草亦識讒諛情揚
揚吐奇芬毋乃太微精孤根寧獨立不與凡卉并宵衣
朝百辟丹陛秋風生姦回旣屏迹利口亦潛形周禾徒
同穎漢芝空九莖雖能誇美瑞曷足資治平寄言持斧

者可與同令名

寄龍大潛效韋體

夙負偃蹇志共懷林下心誰言塵事縻以茲曠幽尋夏
火方云始索居念朋簪薄携一樽酒命駕來城陰湛湛
晨河流依依嘉樹林晤言有時閒揮觴共鳴琴久要或
可冀希哲信難任君懷諒不乖惠我瑤華音

富春釣臺

維舟富春渚舒嘯登崔嵬不見羊裘人空餘垂釣臺苔
色石上古秋聲松際哀清風猶可仰落日滿蒿萊

秋夜憶周模

國雅卷三
十四
傾蓋一分手，沉思長在襟。况茲離居夕，復此秋城砧。露
下葉初落，草根蟲又吟。雖云感物候，終念曠幽尋。劔水
東南流，故人千里心。無因達尺素，夢遶青楓林。

送吳士顯

吳生跌宕人，脫畧當世事。欲識平生心，悠悠江海是。布
衣何飄飄，孤劔千里至。斗酒未及歡，看雲起歸思。長風
吹古城，寒日下秋水。分手從此辭，車塵望中起。

江閣秋雲圖

山容初斂夕，雲氣已歸壑。何以散冲襟，孤琴坐江閣。美
人期不來，天寒楓葉落。

雲林清隱

夙性抱高致，端居厭華簪。尋泉鑿石壁，結宇依雲林。經
鋤有時閒，班荆坐檀陰。清飈引長嘯，白雲勸孤斟。處默
謝流俗，任真曠冲襟。惟應同調者，聽我丘中琴。

出塞曲二首

單于秋近塞，驃騎遠臨邊。吹角風沙動，揚旌日月懸。驚
鷗防獵箭，戰馬識烽烟。昨夜旄頭黑，前軍得右賢。
十五薊門行，能探黠虜情。潛兵秋度磧，牧馬夜歸營。苦
霧沉旗影，飛霜濕鼓聲。昨來承密詔，東築受降城。

月

玉宇淡悠悠金波徹夜流寂憐圓缺處曾照古今愁風
露孤輪影山河一氣秋何人吹鐵笛乘醉倚南樓

送高郎中使北

漢使臨邊日天驕已請和看花辭紫陌犯雪度交河水
草留行帳雲沙想玉珂誰知清漠北婁敬策居多

題福山寺陳鉉讀書堂

窮經不出戶一室古珠宮燈影秋雲裏書聲晚磬中開
窓明竹雪散帙落松風盡日無人到焚香對遠公

送陳鍊師歸龍虎山

鶴書歸未久秋思夢瑤峰海上看山別人間何處逢烟

蘿深見月洞府暗藏龍辟穀方無術憑師問赤松

送蔡大往汝州尋第

落葉正紛紛秋城客路分知君從此去遙念鶴鷄群楚
水帆飛雨荆山路向雲懸知孤館夕離鴈不堪聞

憶浮丘生

瘴海民風異炎荒客路難午深猶見霧臘盡不知寒蚌
月開晴島蛇珠射暗灘居夷雖可學懷土淚闌干

送韋戶侯伯俊

青山慕侯印弓劍挂南陲月滿氍毹帳雲開翡翠旗林
花春載酒園竹曉彈棋不獨龍韜熟文章爾更奇

春日遊東苑應制

長樂鐘鳴玉殿開，千官步輦出蓬萊。
已教旭日催龍馭，更借春流泛羽杯。
堤柳欲眠鶯喚起，宮花乍落鳥銜來。
宸遊好把簫韶奏，京國于今有鳳臺。

春日陪車駕登蔣山

鍾山月曉樹蒼蒼，鳳輦乘春到上方。
馴鳥不隨天仗散，曇花故落御衣香。
珠林霽雪明山殿，玉澗飛泉近苑墻。
自愧才非枚乘匹，也陪巡幸沐恩光。

賦得垂楊送客

客路垂楊最有情，暖風吹綠漸冥冥。
雨深煬帝宮前見

白桓伊笛裏聽，葉暗未堪藏。
乳燕花飛終恨促，浮萍小攜欲折長。
條贈愁絕河橋酒，幔青

表侍御

名凱字景文華亭人洪武間御史

門有車馬客行

主人堂上坐，門前車馬來。
車馬一何廣，遠近生塵埃。
好客不厭多，惡客胡爲乎。
寄言主人道，結客何草草。

古意

茫茫古人中，我愛原子思。
食粟豈云飽，衣裘豈應時。
憔悴衡門下，彈琴唱逸詩。
大夫適何來，駟馬行駢駢。
入門卽長嘆，念子病何危。
貧病因不同，發言忽若斯。
誰謂同

門生白首不見知

病阿速

阿速蒙古別號也

杭州阿速病可傷况復四體多金創口糧開除但乞丐
終日哀鳴行路傍自言家在雲中住兄弟既死惟爹娘
往年江南妖賊反聖旨差我隨平章同行二千五百輩
輩輩選用皆精強孰知江南風土異不比中原盡平地
中原地平好馳逐一人騰驤萬人廢江南地卑山林密
泥深馬滑無由立角弓着雨軟如綿咫尺相看不能射
九月十月歲將暮賊兵突入觀音渡平章脫身向東去
大半盡死無人顧我幸不死病已危丞相被逐無依歸

異鄉此日誰相慰只似天邊孤鴈飛

時丞相答識帖木兒為張士誠所逐

老夫

老夫避兵三江口江中夜夜蛟龍吼
砉然一聲腦欲裂千尺長堤忽如走
須臾海門風雨來江水震蕩如奔雷
同行百船半沉溺無力救之空歎息

○白燕

故國飄零事已非舊時王謝見應稀
月明湘水初無影雪滿梁園尚未歸
柳絮池塘香入夢梨花庭院冷侵衣
趙家姊妹多相忌莫向昭陽殿裏飛

○聞笛

花發吳松江上村，隔花吹笛正黃昏。風塵遠道歸何日，
燈火高樓合斷魂。夜靜幾家無別淚，雨聲終日過閒門。
天邊楊柳今無數，短葉長條非故園。

京師歸至丹陽逢侯生大醉

白下西風吹夜涼，五湖秋草動微霜。千家砧杵初凌亂，
獨客關山正渺茫。歸去定應殘臘盡，飄零猶幸此身強。
丹陽郭裏盈尊酒，且爲侯芭發醉狂。

京師得家書

江水一千里，家書十五行。行行無別語，只道早還鄉。

寄家書

白髮時時異，青山處處同。人行千里外，書到五湖東。

淮安道中

山陽城中細雨廣陵陌，上飛花。估客時時吹，遠行人處
處思家。

客中夜坐

落葉蕭蕭江水長，故園歸路更微茫。一聲新鴈三更雨，
何處行人不斷腸。

趙山人

名迪，字景哲，閩人。洪武初與林貞外齊名，有鳴秋集。

幽人獨憇圖

幽人遺世氛，心與浮雲薄。薜蘿寒可衣，山泉時自濯。白

國朝卷二
雲林下來黃葉衣上落高風不可攀逍遙在林壑

題雨竹

黃陵日已昏蕭瑟涼颼起殘雨挂空江溟濛若千里暝
色夕鳥前寒聲暮猿裏應知葉上秋盡入湘潭水

塞下曲

朔北寒風起春來雪作花黃雲愁隴水白骨怨胡沙柳
暗邊塵暮營空塞日斜故園芳草綠歸夢幾還家

擬和唐人物借岐王九成宮避暑

鸞輿遙幸醴泉宮深入烟蘿翠幾重雲掩畫屏迎舞袖
風清水殿動歌鍾飛花香度樓前幙高柳涼生仗外峰

自是此中多勝槩群仙何處更相逢

題山水二首

幾家茅屋水邊村花落春潮夕到門溪上數峰青似染
居人說是武陵源

九疑如黛暮雲間帝子何年去不還唯有清猿聽不盡
蕭蕭寒雨萬重山

郭掾史

名奎字子章巢縣人洪武
間梅府掾史有望雲集

贈別

蟋蟀悲歲暮起視夜何其淒淒霜露降蕙草颯以衰薄
言子當往軒車發何遲聊因一盃酒慰此平生知采采

西澗蘋悠悠懷我思我思詎能已君心諒不違

鳥夜啼

石頭城上烏遙夜鳴相呼紫清道士有兩樹烏啼不離
樹高處千聲啞啞復萬聲中堂酒闌夢未成呼童把燭
起開戶照樹惟恐鄰人驚庭前再拜爲爾說我家舊住
長淮北慈親已老反哺違零落猶爲異鄉客嚴霜滿天
江月輝東方未白群星稀明朝日出當早飛莫使涕淚
沾裳衣

夜坐吟

江風蕭蕭吹古樹關月蒼茫海生霧北斗漸落明河微

城頭烏啼天欲曙客子不寐憂無衣東征三年猶未歸
蟋蟀在戶歲將暮洞庭霜白芙蓉稀男兒生當百戰死
不執金吾卽挾匕閉門勿用長夜歌騏驎終能致千里
留別王指揮

銀鞍寶馬青連錢風雨夜吼雙龍泉我乃公子無忌客
因知平原君最賢五千甲士猛如虎地裂山摧振金鼓
島夷率服西南清右軍門前奏歌舞

送孫良玉還同安

送君江上去山路雨初晴落日平淮樹春潮帶皖城酒
因今日醉人是故鄉情莫說王孫怨芳洲綠草生

○重憶西巖訪舊

鷓鴣聲中宿雨晴白雲閒傍馬頭生東隣茅屋新烟起
南澗石橋春水平野鳥見多還問姓山花開盡不知名
故人宅近青松下未到柴門已出迎。

高翰籍

名棟字廷禮三山人洪武間翰林
典籍有漫士嘯臺集撰唐詩品彙

擬孟襄陽浩然宿業師山房待丁公不至

夕止雲際宿山光忽西沉松間待清夜孤月愁人心落
葉響空谷驚鳥繞前林佳期曠何許相思勞夢吟

擬韋蘇州應物西郊燕集

原野穀雨霽熙陽麗芳辰良遊出西郭集我平生親野

酌藉芳草飛花落衣巾時聞幽鳥弄復眺羣山新睽此
不盡歡行當念徂春同心忽睽離願言葆其真

擬岑嘉州參函谷關歌送劉評事使關西

函關月出照秦山秦時明月漢時關秦漢蒼茫幾千載
唯有關山明月在此地曾經幾戰爭天平設險尚嚴兵
君不見至今古道人行處草木猶纏戰血腥故人去作
關西客驛樓官樹連秋色華岳雲來漢時青首陽日出
秦陵白正是關門一葉飛送君此去幾時歸到處知君
有知已關西詞客未曾稀

擬岑補闕參奉和早朝大明宮之作

明光漏盡曉寒催。長樂踈鐘度鳳臺。月隱禁城雙闕迴。
雲迎仙仗九重開。旌旗半掩天河落。閭闔平分曙色來。
朝罷珮聲花外轉。回看佳氣滿蓬萊。

擬高常侍適送王李二少府貶衡巫

曉鐘寥亮雁聲哀。候館鳴雞曙色催。兩地送君雙別淚。
西風駐馬共銜杯。巴山落月啼猿斷。楚水孤帆片雨來。
莫怨異鄉成久隔。漢庭還憶賈生才。

西山爽氣樓

飛構對西巘。翹居出塵喧。空林夜來雨。秋氣生高原。卷
幔看晴翠。澄光散朝暾。齋心白雲外。拄頰欲忘言。

野橋春水圖

野色歛晴翠。春流澹無波。空原絕行人。青峯天際多。漁
榜繫宿葦。荆扉閉煙蘿。余亦掉頭者。投簪偃巖阿。

王參軍

名冕字元章會稽人
洪武初官諮議參軍

寫懷

世情多曲折。客况自堪憐。聽雨愁如海。懷人夜似年。草
肥燕地馬。花老蜀山鵲。冷澹無歸計。蒼苔滿石田。

間題前元舊事

樓臺矗矗帶京華。金玉重重護帝家。雲合紫駝開虎帳。
天連青草入龍沙。春風小殿看飛燕。夜雨重城散落花。

甲乙流蘇僊夢好莫教方士問丹砂

金陵懷避亂作

壞墻幽徑草青青何處園林是舊京海氣或生山背雨
江潮不到石頭城英雄消歇無人語形勢周遭夕照明
回首長干思無限水風楊柳作秋聲

趙千里夜潮圖

去年夜渡西陵關待渡兀立江上灘灘頭潮來倒雪屋
海面月出行金盤水花着人如撒霰過耳斜風快如箭
叫霜鴻鴈零亂飛政侶今年畫中見寒煙漠漠天冥冥
展玩陡覺心神清便欲吹簫騎鯨去看海上三山青

寄太素高士

我昔扁舟上邪溪尋君直過丹田西長松月冷啼子規
春風滿地芳草齊樓殿玲瓏金碧湧鐘聲不出松雲重
老猿掬礪山影亂翠禽啄露巖花動此時相見不作難
握手笑上松花壇壇下十萬青琅玕空陰漠漠常風寒
我對青山論今古青山茫茫無一語知其與我忘爾汝
石瓢酌我雲根乳冷然使我肝膽清飄裾欲度浮雲輕
千峯回影陷落日萬壑欲盡松風聲回首溪山忽成別
幾見江梅飛白雪洞庭湖上聽夜雨仲宣樓頭望明月
斃斃對景傷古情寸心欲吐書難憑何當相晤一抵掌

與君細看真蘭亭

○大醉歌

明月珠不可襦、連城壁不可舖、世間所有皆虛無、百年
光景駒過隙、功名富貴將焉如、君不見北邙山、石羊石
虎排無數、舊時多有帝王墳、今日纍纍蟄狐兔、殘碑斷
碣爲行路、又不見秦漢都、百二山河能險固、舊時官闕
亘雲霄、今日原田但禾黍、古恨新愁迷草樹、不如且買
葡萄醅、携壺挈榼、閒往來、日日大醉春風臺、何用感慨
生悲哀

顧居士

名瑛字仲瑛號玉山晚號金粟居士崑山人
洪武初隱於吳中名利間有玉山稿草堂集

○花游曲同張貞居遊石湖和楊廉夫韻

真娘墓下花溟濛、碧梢小鳥啼春風、蘭舟搖搖落花裏
唱徹吳歌弄吳水、十三女子楊柳門、青絲盤髻鬱金裙
折花賣眼一回步、蛺蝶雙飛上春墓、老仙醉弄鐵笛來
瓊花起作回風盃、興酣鯨吸瑤瑤碗、立按鳴箏促象板
午光小落行春西、碧桃花下題新題、西家忽遣青鳥使
致書殷勤招再四、當筵奪得鳳頭牋、大寫仙人蹋踞篇

看雲

青山與浮雲終日淡、相守山爲雲窟宅、雲爲山戶牖、無
心成白衣有意變、蒼狗人情亦如雲、寄與看雲叟

甕牖圖

道之不行謂之病財之不給謂之貧賜也能言心未識
虛勞結駟踏清塵

題白衣大士渡海圖

白衣頻現補陀山欲見無緣一往還勝境幾年勞夢想
覽圖今禮大悲顏蛟龍獻供波濤裏獅象駝經島嶼間
安得金仙共飛錫旃檀林下聽潺湲

自贊

儒衣僧帽道人鞋到處青山骨可埋還憶少年豪俠興
五陵裘馬洛陽街

詹尚書

名同字同文婺源人武昌籍
洪武初官學士承旨兼尚書

前有尊酒行

前有一尊酒後有三尺墳墳前兩樹花墳中不知春分
明記得墳中叟曾共當年飲春酒

題水殿納涼圖

湖上闌干百尺臺臺邊水殿倚雲開紅橋人隔荷花語
玉盃金盤進雪來

入峽二首

黃牛廟下水如弦白狗峽中數尺天百丈牽春上巴蜀
巖花無數照江船

歸州女兒採薪歸，荷葉遮頭雨濕衣。不怕山邊石路滑，竹籃在背走如飛。

寄方壺道人

海上神僊館，天邊處士星。卧雲歌酒德，對雨著茶經。石洞龍嘘氣，松巢鶴墜翎。都將金玉句，一一寫空青。

送黎蘭谷遊永州

舟子開帆日，天風吹雪時。關河歲將晏，荆楚客何之。水接三苗國，雲迷二女祠。經過逢北鴈，應有寄來詩。

甘二守

名瑾字彥初餘干人洪武間官嚴州府同知

題何梅閣山居

迹不到城市，逢人無厚顏。一瓢風外樹，雙屐雨中山。流水春喧碓，歸雲暮掩關。憂時心未已，祇益鬢毛斑。

題張氏竹園別業

避難踈狂客，長貧少定居。採芝空有曲，種樹豈無書。擬製東山屐，看馳下澤車。肯容踈懶迹，來與狎樵漁。

送防秋將

玉帳秋風動，邊塵颯颯驚。射鵰輕漢將，牧馬過秦城。白草交河道，清笳捕虜營。戰裝宜即換，已及蚤寒生。

秋閨怨

惆悵下簾鉤，空庭月影流。錦衾成獨日，羅扇覺先秋。火

煖薰籠煥泉寒汲綆脩祇憐雲際鴈傳得玉關愁

唐翰林

名肅字虔敬號丹崖會稽人洪武初仕翰林應奉文字有丹崖集

登蜀阜寺閣

登梵閣孤往事問浮圖山色元來蜀江聲直到吳風

鈴半落雨壁畫全無萬法俱空寂何煩起嘆吁

。宿真慶菴

落日古城陰蕭蕭竹樹深雨花知佛境流水識禪心月

到翻經榻苔緣挂壁琴不因支許舊那得遂幽尋

送王生從軍

羽箭風含鏃雕旗露拂竿分番知將勇選士屬才難箸

為籌邊借碑因紀績刊少年相贈意別把劍花看

花作來佳

劉太宰

名崧字子高泰和人洪武間官吏部尚書

張氏溪亭雜興

草閣經秋淨柴扉近水開霜林收橘柚風磴坐莓苔釣

艇寒初放樵歌晚獨回城南車馬地欲往更徘徊

宮詞和歐陽原之

金屋秋風起銅盤夕露深水花紅萼萼宮樹碧沈沈却

望鸞旂影微聞鳳吹音月明瑤殿冷香夢杳難尋

贈別鄭同父

冥冥陽靈洞中有綠髮仙世人不可見出入藥紫煙時

來拾瑤草獨立青山前粲然發皓齒玉井開紅蓮我欲
往從之茲事今千年似聞九州外碧海迴青天願携兩
玉笛吹向崑崙巔

、歎息行贈別胡思齊

歎息復歎息志士恒苦辛少日不得意暮年媿其身前
有尊酒清且旨酌酒奉君君莫止人生最樂在相知莫
徇虛名輕跡施沛中屠販還封侯揚雄草玄空白頭浮
雲不盡萬里意白日長懸千古愁南山之陰多洞府十
年不歸歎脩阻綠蘿芳草澹風煙君獨胡爲在塵土五
雲館前花滿津紫騮蹠蹠驕青春春時禽鳥各自適燕

子低迴還附人江風蕭蕭吹水急江寺鐘殘野鳥集口
中吟詠眼看山細雨蒼茫愁獨立鄧溪漉漉秋水泥見
爾令我懽相携酒酣燕坐石盤嶺明月正在松林西近
聞煙塵起閩廣官軍驅馳日南上郡邑無人豺虎行道
路蕭條竟安往我思舊遊湖水東昔者登臨人不同常
年九月章浦淨吳霜夜落青芙蓉芙蓉花開日欲暮美
人娟娟隔煙霧一段愁心化綵雲至今飛繞河橋樹今
夕果何夕別君還憶君古來賢達常坎坷慎爾出處超
其羣

、秋夜詞

林鳥夜啼金井西蟋蟀在戶聲相齊中天無雲白露下
漸見梧桐青葉低幽居此時愁獨曉蘭燈雙照蛾眉小
歌聲恐逐迴風高掩抑冰絃破清悄絃中語語心自傷
低頭却看明月光羅衣一夜惜顏色庭草明日霑秋霜
甘心霜下草祇在堦庭好不作白楊花飛飛洛陽道

織女吟贈黃進賢

憶昔束髮初嬌倚雲錦機折花事戲劇笑詫身上衣一
從十五時學向機中織絲短愁苦長梭緩心轉急永夜
蘭燈懸洞房門前梧葉零秋霜霜寒手凍絲緒亂絡緯
悲啼金井牀春花更疊黃金縷花底青鸞蹴煙霧東風

何日上天來儼奉瑤池宴歌舞十日滿疋恒苦遲一夕
停梭生網絲持刀沈吟剪秋水粉淚欲落愁風吹遠懷
素心人邈在千里道何由托交歡持此永相保東隣小
姬昔同年至今盛飾爲毋憐幾回月高鳴杼軸正是他
家夜彈曲

題秋江小景畫

美人鳴弦思瀟湘斜飛金鴈不成行夜深彈徹烏栖曲
月照寒江萬樹霜

昭君

承詔辭金闕銜悲入塞城可憐沙上月渾似漢宮明

方翰博

名孝孺字希直海寧人洪武間官翰林院文學博士

閒居感懷二首

鳴鳩知天雨乾鵲知天風蟋蟀最無知亦悲年運窮云
何當世士憤憤温飽中疾痼如波濤浮沈淒所終
賢有四海志家無一金貲言高力不足舉世皆笑之不
如豪俠子錢刀散孤嫠閭閻稱行義赫赫名聲垂

次鄭好義見貽韻

山中一尊酒慰此離別腸清夜步廣庭大星吐寒芒向
來負奇氣舉目空四方栖遲盛年至留滯天南荒君看
升帝闕不必真棄黃

江山萬里圖

我昔奉敕辭 金闕西下巴川持使節仙槎二月出龍
河萬里春風棹晴雪吳天茫茫入杳冥棹歌初過峨眉
亭錦袍不見李供奉白雲遮斷三山青煙蕪漲綠知何
地白鳥雙雙沒淮樹片帆風滿疾如飛矯首驚看沂流
去大孤小孤橫雪波匡廬五老青差峩九江秀色歎奇
絕半空飛瀑懸銀河推蓬竟日間吟倚瞬息移舟洞庭
水君山如黛壓中流十二煙鬟鏡光裏好山遠自蛾眉
來瀟湘練明天際開疑峯九點落空翠重華孤墳安在
哉武昌地轉多遺跡隔岸鳥鳴瞻赤壁煙焰旌旗魏武

兵綸巾羽扇周郎策扶醉曾登黃鶴樓漢陽城對鸚鵡
洲卽從鄂渚擢明月泝流直上窺荊州夷陵山勢多重
疊楚樹蠻雲遠相接欲向夔城入錦城還於巴峽穿巫
峽神女峯前路欲迷瞿塘灩澦聞猿啼五溪越盡見雲
嶺但覺鳥道青天低萬里橋西看立馬足跡經遊半天
下愧無草檄儼相如笑擲橐金輕陸賈今年詔許臨丹
丘夢中往往驚羈愁江上誰人寫圖畫眼中歷歷如經
遊岸巾一覽發長嘯蒲襟爽氣高堂秋

國雅卷之二



南

24416